



# INUIT ATAQATIGIIT INATSISARTUNI

---

**Ulloq: 11. januar 2008**

Inatsisartut Suleriaasianni § 36, imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquq:**

Inatsisissatut siunnersuutit, aalajangiiffigisassatut suinnersuutit, peqqussutit imaluunniit Inatsisartut Naalackersuisunut suliaasiissutaat suut, aamma Inatsisartut suliaralugit akuersissutaat suut Naalackersuisut suli tamakkiisumik suliaralugit piviusunngortinngilaat imaluunniit suliarineri suli naammassinngilaat?

Inatsisartuni ilaasortaq Esmar Bergstrøm, Inuit Ataqatigiit.

**Tunngavilersuut:**

Apeqqummi pineqartoq tassaavoq, amerlasuutigut siunnersuummik saqqummiussigaanni nalunaarfigineqartarpugut siunnersuut akuersissutigineqareersimasoq sulili atortuulersinneqarani.

Taamaattumik isumaqarpunga pissusissamisoortoq tamakkiisumik isigisinnaaleqqulluta Naalackersuisut nalunaarsuinissaat, siunnersuutit suut allallu tigummisatik suli naammassineqanngitsut pillugit. Taamaaliornikkut akuersissutigeriikkanik Inatsisartut siunissami siunnersuuteqaqqinnginniasammata.